

GJALDSKRÁ

Rafveitu Borgarness.

I. KAFLI

RAFORKUSALA

Rafveita Borgarness selur raforku á þann hátt og við því verði, sem hér segir:

I. Almenn notkun.

1. Um kwst.mæli á 100 aura hverja kwst., auk fastagjalds, er reiknast þannig.
 - A 1. Til lýsingar:
140 aura á mánuði af hverjum m² gólfplatar í rúmi því, er lýsa skal. Þó skal aðeins reikna helming gólfplatar til gjalda í geymslum og göngum o. þ. h.
 - B 1. Til heimilisnotkunar:
10 krónur á mánuði fyrir hvert herbergi, sem ætlað er til íbúðar, og eldhús. Herbergi, sem er minna en 5 m², skal reikna sem hálft, en stærra en 25 m² sem tvö.
 - C 1. Til véla:
24 krónur á mánuði fyrir hvert kw. í ástimpluðu rafafli fastra vinnuvéla.
2. Um kwst.mæli, án fastagjalds, þannig:
 - A 2. Til lýsingar og ýmissa nota, sem ekki verða felld undir aðra liði gjaldskrárinnar:
410 aura fyrir hverja kwst.
 - B 2. Til véla og til vinnulagna í byggingum í smíðum:
230 aura fyrir hverja kwst. — Ársnotkun umfram 300 kwst. á hvert kw. í ástimpluðu rafafli vinnuvéla greiðist með 100 aurum hver kwst.
 - C 2. Til véla í matvælaíðnaði:
68 aura fyrir hverja kwst., enda sé uppsett rafafli fastra vinnuvéla yfir 40 kw, og árlegur nýtingartími vélanna eigi skemmri en 1200 kwst. á hvert uppsett kw. þeirra.
Rafveitan áskilur sér rétt til að rjúfa strauminn í allt að 1½ klst. um hádegisð, á mesta álagstíma.
 - D 2. Til götu- og hafnarlýsingar:
130 aura fyrir hverja kwst.
3. Um mesta álagsmæli:
 - A 3. Til atvinnufyrirtækja með uppsettu rafvélaafli yfir 40 kw.:
1500 krónur fyrir hvert kw. mesta álags á árinu og 18 aura fyrir hverja kwst.

II. Hitanotkun.

Um kwst.mæli á:

- E 1. 55 aura kwst. án rofs.
- E 2. 32 aura kwst. með allt að 1½ klst. rofi á sólarhring.
- E 3. 30 aura kwst. með allt að 2½ klst. rofi á sólarhring.
- E 4. 24 aura kwst. með allt að 4½ klst. rofi á sólarhring.
- E 5. 17 aura kwst. með allt að 14½ klst. rofi á sólarhring.

Gjaldið breytist með útsöluverði á dísilolíu í Reykjavík á hverjum tíma, en miðast hér við grunnverðið 163 aura á olíulítra. Gjaldið standi jafnan á heilum eða hálfum eyri.

Önnur skilyrði fyrir raforkusölu til hitunar.

- a. Að raforka sé aflögu vegna annarrar notkunar (forgangsnotkunar) að dómi rafveitustjóra.
- b. Að vélaafl, spennar og línur þoli álagið að dómi rafveitustjóra.
- c. Að straumur sé rofinn á tilskildum tíma með sjálfvirkum rofa, og kosti notandi tengingu rofans og greiði leigu af honum skv. 2. kafla.
- d. Að tæki, lagnir og allur búnaður í sambandi við rafmagnshitunina sé samkvæmt fyrirmælum rafveitunnar og settum reglum, m. a. ofnar fasttengdir með sérstökum rofum og hitastillar notaðir.
- e. Að notkun um mæli hitalagnarinnar sé eigi minni en 6000 kwst. á ári.

Þegar sérstaklega stendur á er rafveitustjóra heimilt að tilskyldu samþykki rafveitunefndar, að selja raforku eftir sérstökum samningi í hvert skipti.

II. KAFLI

MÆLA- OG ROFALEIGA

Rafveitustjóri ákveður stærð og gerð mælitækja, sem nota skal fyrir hverri veitu, og er sú ákvörðun skuldbindandi fyrir notanda, sem skal greiða leigu af mælitækjum samkvæmt eftirfarandi:

- | | |
|--|--------------------|
| 1. Af einfasa kwst.mælum, allt að 30 amp. | kr. 5.00 á mánuði. |
| 2. Af þrífasa kwst.mælum, 50 amp. og minni | — 10.00 — — |
| 3. Af þrífasa kwst.mælum, yfir 50 amp. til 200 amp. | — 24.00 — — |
| 4. Af þrífasa kwst.mælum, 200 amp. | — 36.00 — — |

Af klukkurofum skal greiða leigu sem hér segir:

- | | |
|---|---------------------|
| 1. Af ein- eða tvíþóla kl.rofa 40 amp. og minni | kr. 32.00 á mánuði. |
| 2. Af þríþóla kl.rofa 60 amp. | — 40.00 — — |
| 3. Af þríþóla kl.rofa 60 amp. til 200 amp. | — 50.00 — — |
| 4. Af þríþóla kl.rofa yfir 200 amp. | — 64.00 — — |
| 5. Af þríþóla fjarstýrandi klokkurofa | — 10.00 — — |

Af öðrum mælitækjum og rofum en þeim, sem nefnd eru í skránni, skal ársleigan vera sem næst 20% af verði tækisins. Leigan skal innheimt um leið og gjald fyrir raforku.

III. KAFLI

OPNUNARGJÖLD

- 1. Hafi gjald samkvæmt gjaldskrá þessari ekki verið greitt, svo að til lokunar hafi komið fyrir veitu, skal gjald fyrir enduopnun kr. 100.00.
- 2. Ef fundin eru óleyfileg eða of stór vör við skoðun, skal veitunni lokað tafar-

laust, og verður hún eigi opnuð fyrr en notandi hefur greitt kr. 100.00 gjald til skrifstofu rafveitunnar.

Hreppsnefnd er heimilt að hækka eða lækka gjöld, sem ákveðin eru í 1. kafla þessarar gjaldskrár um allt að 20% án sérstakrar staðfestingar ráðuneytisins, enda sé breytingin auglýst í Lögbirtingablaðinu áður en til hennar kemur.

IV. KAFLI

TENGIGJÖLD (HEIMTAUGARGJÖLD)

Rafveitustjóri ákveður stærð og gerð heimtaugar eða spennistöðvar fyrir húsveitu.

Af hverri húsveitu, sem tengd er við rafveituna, skal greiða tengigjald sem hér segir:

1. Tengigjöld miðuð við flutningsgetu heimtauga.

Gjald- skrárliður	Málstraumur	stofnvara	Flutningsgeta	Tengigjald jarð- strengs allt að 15 m eða loftlínu allt að 30 m skv. jöfnu $1200 + 120 \times \text{kVA}$
nr.	amp.	amp.	miðuð við stærð stofnvara kVA	kr.
1.1	2×60	1×60	13	2 760.00
1.2	3×60	2×60	22	3 840.00
1.3	3×100	3×60	38	5 760.00
1.4		3×100	66	9 120.00
1.5	3×200		76	10 320.00
1.6	3×350	3×200	132	17 040.00
1.7		3×350	231	28 920.00

Fyrir aðrar stærðir stofnvara en hér eru taldar, skal reikna tengigjald eftir sömu jöfnu og að ofan.

Lengd heimtaugar reiknast frá lóðarmörkum við götu, stytstu greiðfæra leið að varkassa.

Yfirlengdargjald jarðstrengs reiknast á hvern metra umfram fyrstu 15 metrana, þannig $Y_j = (240 + 3 \times \text{kVA}) \text{ kr/m}$.

Yfirlengdargjald loftlínu reiknast á hvern metra umfram fyrstu 30 metrana, þannig: $Y_1 = (40 + 2 \times \text{kVA}) \text{ kr/m}$, að viðbættum 2000.00 á hvern stólpa í umframlínu.

2. Tengigjöld miðuð við stærðir spennna.

Gjald- skrárliður	Stærð spennis	Tengigjald skv. jöfnu $1200 + 120 \times \text{kVA}$	Gjald- skrárliður	Stærð spennis	Tengigjald skv. jöfnu $1200 + 120 \times \text{kVA}$
nr.	kVA	kr.	nr.	kVA	kr.
2.1	150	19.200.00	2.3	500	61.200.00
2.2	300	37 200.00	2.4	750	91 200.00

Fyrir aðrar stærðir spennna en hér eru taldir, skal reikna tengigjaldið á sama hátt.

Tengigjald skal reikna eftir þessum gjaldskrárlið, þegar spennistöð er byggð að mestu eða öllu leyti í þágu eins notanda. Skal notandi þá leggja til lóð eða húsnaði fyrir spennistöðina, eftir því sem hagkvæmara þykir að dómi rafveitustjóra vegna staðsetningar stöðvarinnar. Húsnaðið skal fullnægja að öllu leyti settum skilyrðum um gerð spennistöðvarhúss. Kostnaður notandans við gerð húsnaðis

fyrir spennistöðina kemur til frádráttar tengigjaldi skv. þessari gjaldskrá, þó aldrei meiri frádráttur en tengigjaldinu nemur.

Gjaldskrá þessi gildir í skipulögðum hverfum innan Borgarneshrepps. Í óskipulögðum hverfum greiðist tengigjald eftir kostnaði, skv. reikningi rafveitunnar.

Tengigjald fellur í gjalddaga, þegar setningu heimtaugar eða byggingu spennistöðvar er lokið.

Gjaldskrá þessi staðfestist hér með samkvæmt vatnalögum nr. 15 20. júní 1923, og raforkulögum nr. 12 2. apríl 1946, til þess að öðlast gildi þegar stað og birtist til eftirbreytni öllum þeim, sem hlut eiga að máli.

Jafnframt er úr gildi felld gjaldskrá fyrir Rafveitu Borgarness, nr. 56 12. apríl 1960.

Atvinnumálaráðuneytið, 5. marz 1966.

Ingólfur Jónsson.

Þorv. K. Þorsteinsson.

S A M Þ Y K K T

fyrir Veiðifélag Breiðdæla.

1. gr.

Félagið heitir Veiðifélag Breiðdæla.

Heimili þess og varnarþing er Breiðdalsvík.

2. gr.

Félagið nær til allra jarða, sem land eiga að Breiðdalsá, Norðurdalsá, Tinnudalsá og Þverám og lækjum, sem í þær renna, en þær eru Ós, Lágafell, Eyjar, Skjöldólfsstaðir, Fagrigdalur, Brekkuborg, Randversstaðir, Skriða, Skriðustekkur, Flaga, Ánastaðir, Þorgrímsstaðir, Höskuldsstaðasel, Höskuldsstaðir, Jórvík, Ásunnarstaðir, Árgarður, Hóll, Innri-Kleif, Ytri-Kleif, Kleifarstekkur, Skarð, Tóarsel, Tungufell, Þorvaldsstaðir I og II, Hliðarendi, Þrastahlíð, Gilsá, Gilsárstekkur, Eydalir, Fellsós, Fell, Ormstaðir og Þverhamar I til VIII, Holt og Breiðdalsvík.

3. gr.

Verkefni félagsins er að viðhalda góðri fiskgengd á félagssvæðinu, og að leigja það til stangarveiði. Félagið tekur til allrar veiði á félagssvæðinu.

4. gr.

Stjórn félagsins skipa þrír menn, formaður og tveir meðstjórnendur. Skulu þeir kosnir á aðalfundi til þriggja ára í senn. Ganga þeir úr stjórninni á víxl þannig, að formaður gengur út eftir eitt ár, annar meðstjórnandinn eftir tvö ár, og hinn eftir þrjú ár, og helzt svo sama röð áfram. Enginn atkvæðisbær félagsmaður getur skorazt undan endurkosningu, nema sérstök forföll hamli, eða að hann hafi verið í stjórn í þrjú ár. Kjósa skal tvo varamenn og tvo endurskoðendur til tveggja ára í senn, þannig að annar varamaðurinn og annar endurskoðandinn gangi út annað árið, og hinir hitt árið.